



# MANIFESTO RAKYAT PAKATAN HARAPAN RAKYAT





# MANIFESTO RAKYAT

## PAKATAN HARAPAN RAKYAT

Malaysia sebuah menua ti bisi bendar peluang endur nyadi sebengkah menua ti ulih mansang. Rakyat iya ti idup baka diri menyadi bebendar amat bekereja ngulihka pengidup. Menua digaga bepelasarka pengarap lalu akar daya idup nya ti ditanchang ngena penyerakup Adat Menua. Tang, juluk ati kita udah tejanggal laban raban elit ti bekuasa. Penyalah makai suap enggau pengerangka udah nyadi baka penyakit rimau. Rakyat ditejuka neres pengidup ti mar.

Tiap iku ari kitai tu bisi kuasa ngulihka utai ti pepadu manah. Pelajar sekula ti manah, menua ti siru, peluang ti enda berat sepiak enggau atur perintah ti lurus nganti kitai.

**Ketegal kitai empu, ketegal rakyat, sama-sama berubah diatu dikena kitai merambuka rebak dudi menua Malaysia.**

# PAKATAN NYA PENGARAP RAKYAT

Pemanah Pakatan Rakyat dikena nentuka pengelurus, pengelantang enggau penyemaka bala rakyat terang bendar atur iya lalu tegap bendar chara kereja iya.

Kitai tu sebengkah perintah ti lurus. Tunjang atur pengawa kitai nya chara kereja ti manah ti bepelasarka batang penemu pemanah ulah enggau pendiau ti diterima semua mensia. Asil iya pengeraja menua ulih diagihka enggau enda berat sepiak sereta engkeman. Ikas pemanah pengidup mensia mayuh deka diangkatka manah agi.

Menua Malaysia ti diperintah enggau pengelurus lalu pengidup rakyat ti lantang deka ngeluarka raban rebak dudi rakyat ti manah ulah enggau pendiau. Raban rebak dudi ti manah ulah enggau pendiau nya raban orang ti tegap pengarap ba asal penatai sida, bepegai ba batang pengarap enggau peninggi rega raban mensia ti ngemataka utai ti amat lalu nulak penyai, sama arapka diri sama diri, bekereja bebendar dikena ngangkatka pemanah pengidup diri empu, iya ti kering nyukung iya ti lemi ngambika enda tinggal, belumba-lumba dikena ngeninggika gaya ngulihka penemu.

Pemanah rekod pejalai atur perintah menua Pakatan Rakyat nyadika pengamat peneka kitai ti deka terus numbuhka atur perintah ti lurus ti tau pulai ke pemanah rakyat.

Pakatan Rakyat udah ngaga ekonomi nya bepelasarka rakyat. Bejuta-juta iku peranak menua Malaysia ngasaika penyamai ari ti kena agih ba pengaya ti lalu digembar enggau penegap pekara belanja menua-menua ti diperintah ditambah mayuh ke agi.

Pakatan Rakyat udah netapka penerang enggau pengelurus dalam atur perintah. Penyalah makai suap ditagang lalu untung ari atur perintah ti beresi sereta lurus dipulaika nyadika pemanah pengidup rakyat.

Pakatan Rakyat ngenuluka rakyat. Semua macham polisi ti dipinta nya dikena ngangkatka peneka enggau penginein rakyat lalu dikena nagang pengerangka sekeda raban pemerintah ti elitis enggau bala kroni sida.

Pakatan Rakyat udah ngangkatka rakyat nyadi tuan ba tanah pesaka sida empu. Sada nyawa enggau peminta rakyat seruran dipendingka. Kuasa tiap iku rakyat enda ngira sida nya orang

merinsa tauka orang ti lantang pengidup, enda deka diperundingka sereta dipebasa. Adat enggau undang-undang menua ti tau menyati sereta nekan rakyat deka dipadamka.

Pemerri ari Pakatan Rakyat digaga ketegal deka nentuka pengelurus, pengelantang enggau atur ti sebaka ke semua rakyat nya mudah bendar.

Manifesto Rakyat digaga belalauka empat iti pugu penemu - Rakyat Nya Sekaban, Ekonomi Rakyat, Pengelantang Rakyat enggau Perintah Rakyat.

Manifesto Rakyat ngerintaika program enggau pun polisi ti deka dipejalaika Pakatan Rakyat ba pugu kuasa merintah Putrajaya ila. Manisfesto Rakyat merambuka rebak dudi ti tampak agi, penuh enggau pengandal lalu dikena ngulihka penemu ari rakyat. Manifesto Rakyat nya asil ari simpul penemu ari semua ikas raban mensia di menua tu.

Kitai bisi bendar pengandal nya menua Malaysia ngembuan kuasa nentuka rebak dudi ti manah agi. Kitai bisi pengandal Malaysia ulih mansang jauh agi ari ti dikarapka kitai. Kitai bisi pengandal semua rakyat Malaysia enda tau enda bulih utai ti pepadu manah ari perintah sida.

**DATO' SERI  
ANWAR IBRAHIM**  
KETUA UMUM,  
PARTI Keadilan Rakyat

**DATO' SERI  
ABDUL HADI AWANG**  
PRESIDEN,  
PARTI ISLAM SE-MALAYSIA

**SAUDARA  
LIM KIT SIANG**  
KETUA PARLIMEN,  
PARTI Tindakan Demokratik

# ISI

<b>Rakyat Nya Sekaban</b>	<b>8</b>
Ngapuska penanggung bapilih bulu	<b>8</b>
Ngelala pemeru raban indu enggau orang ti tuai umur	<b>8</b>
Ngenegapka atur pelajar bansa lalu mungkur semua arus pelajar	<b>9</b>
Bebasaka ikas menua Sarawak enggau Sabah dalam Perintah Besai	<b>10</b>
Kuasa ba pekara tanah enggau pengelantang Orang Bansa Asal dikemataka	<b>11</b>
Belemati lalu bebasaka penuduk pengarap Islam, ngemataka kuasa bebas dalam bepengarap	<b>12</b>
Ngangkat gaya idup nyadika teras pengidup beraban bansa positif	<b>12</b>
<b>Ekonomi Rakyat</b>	<b>14</b>
1 juta peluang kereja ke rakyat	<b>15</b>
Bekunsika asil enggau sama rata nengah atur gaji pemadu mit	<b>15</b>
1 juta pengereja pengawa ti landik ari raban nemiak ti udah badu besekula	<b>15</b>
Reformasi dalam pelajar dikena meransang ekonomi	<b>16</b>
Ngemanahka atur bekunsi pemintar dala gerempung pengereja pengawa, bala pengaji enggau perintah	<b>16</b>
IKS enggau inovasyen nyadika teras ekonomi menua	<b>17</b>
Ngemanahka agi atur chukai rakyat ketegal atur sama rata	<b>17</b>
Ekonomi meruan	<b>17</b>
Ngangkatka ekonomi enggau pengelantang raban soldadu	<b>18</b>
Ngangkatka pengelantang raban deriba teksu	<b>18</b>
Beranakka puku dalam R&D manggai 5% ari KDNK	<b>19</b>
Pekara pemindah mensia mayuh nyadika pengerak ekonomi menua	<b>19</b>
Mechahka dagang nengali dikena ngeregaska semekih	<b>20</b>
<b>Pengelantang Rakyat</b>	<b>22</b>
Ngurangka pemerat unguks ngidupka diri rakyat enggau chara nurunka rega barang lalu ngapuska dagang nengali	<b>23</b>
Ngemanahka agi polisi dagang kerita bansa dikena ngurang penekul ba rakyat	<b>24</b>
Atur berumah ti manah sereta ulih dibeli semua	<b>25</b>
Pekara pelajar pechuma ke semua, ngapuska PTPTN	<b>26</b>
Ngapuska AES, madamka saman AES	<b>26</b>
Pengelurus ke raban Felda	<b>27</b>
Pengelantang rakyat	<b>27</b>
Pekara pengerai ti pechuma dikenuluka	<b>28</b>
Ngaga kaul pengelikun sosial ke rakyat	<b>28</b>
<b>Perintah Rakyat</b>	<b>30</b>
Reformasi pekara Islam enggau pekara bepengarap	<b>31</b>
Pakej atur mayar gaji baru ke bala pengereja pengawa perintah	<b>31</b>
Pengawa bapilihbesai ti beresi, lurus sereta tampak	<b>31</b>
Reformasi pekara pengawa bechara, Opis Lawyer Bansa, SPRM dan PDRM	<b>31</b>
Reformasi pekara Parlimen	<b>32</b>
Media ti bebas lalu pechayaka raban pengarang berita	<b>32</b>
Ngapuska AUKU lalu bebasaka pengawa belajar ti bebas	<b>32</b>
Ngapuska semua adat menua enggau undang-undang ti nekan rakyat	<b>32</b>
Polisi Ngapuska Penyalah Makai Suap Bansa (DEBARAN)	<b>33</b>
<b>Pengarap Rakyat</b>	<b>34</b>
Malaysia 2023: Sepuluh Taun Perintah Pakatan Rakyat	<b>34</b>



# RAKYAT NYA SEKABAN

1. Ngapuska penanggul bepilih bulu
2. Ngelala pemeriraban indu enggau orang ti tuai umur
3. Ngenegapka atur pelajar bansa lalu mungkur semua arus pelajar
4. Bebasaka ikas menua Sarawak enggau Sabah dalam Perintah Besai
5. Kuasa ba pekara tanah enggau pengelantang  
Orang Bansa Asal dikemataka
6. Belemati lalu bebasaka penuduk pengarap Islam, ngemataka  
kuasa bebas dalam bepengarap
7. Ngangkat gaya idup nyadika teras pengidup beraban bansa positif

# RAKYAT NYA SEKABAN

Menua Malaysia didirika atas pengering dalam penyerakup diri sama sekaban. Rakyat ti datai ari pupu raban bansa sama-sama breakup nirika menua tu. Pengeraja asal menua diagihka awakka sida ti seranta diberi bantu, sida ti lemi dikemataka. Atur ba pekara pelajar bansa enda tau enda bepelasarka juluk ati ti deka bekaban belayan antara rakyat dikena mansutka raban orang ti bepenemu, landik, siru sereta bebasa ke pangan diri.

Raban orang indu menua Malaysia udah bebendar bekereja sepemanjai umur menua tu. Ba rbak baru tu, bala orang indu nyadika tunjang raban bansa. Sida udah meri diri nirika rumah tangga ti mega disempulang meri buah penemu dikena ngemanahka pekara ekonomi menua.

Menua Malaysia ti kaya ditanchang enggau tali kaul antara pangan diri bala rakyat ti rat. Pakatan Rakyat ngerintaika semasa ti nyemetak dikena ngenegapka agi kaul rakyat enggau pangan diri ti enda udah bisi.

## NGAPUSKA ATUR NYIPING RABAN BANSA ENGGAU BESABUNGKA RABAN BANSA DIKENA NENTUKA PENGELANTANG ENGGAU PEMANAH KAUL RAKYAT

## NGELALA PEMERI ORANG INDU

### MERANSANG ORANG INDU BEDAYA SERETA NYADI TUAI DALAM RABAN BANSA

Polisi Bedayaka Raban Orang Indu dikena ngisi tuju menua 30% agih pengawa ari orang indu ba ikas atur pengawa, nyadika tuai enggau atur ba pengawa perintah enggau kompeni datai ba taun 2017. Agenda Orang Indu Malaysia dipejalaika awakka dikena ngangkatka pemanah pengawa orang ti indu dalam raban bansa.

### PEMERI KE RABAN ORANG INDU MALAYSIA

Tiap iku bini orang deka bulih penguntung ari Pemeiri Ke Orang Indu Malaysia ti nyadika kaul dikena nentuka pengelantang sida.

Tiap iku laki diletak undang-undang enda tau enda meri ngagai wang turu nitihka penatai pemisi diri (entara RM10 sebulan nyentuk ngagai RM100 sebulan). Duit dalam wang turu nya dikena mantu sida ti indu lebu dituntung penanggul ketegal disarakka laki, kudi gaya hari, bebadi enggau datai ke umur manggai 50 taun.

Perintah deka meri RM50 sebulan ngagai tiap iku bini lalu wang turu deka dikemataka Gerempung Pengelikon Sosial (SOCISO), iya nya sebagi ari kaul pengelikon sosial.



## MANTU RABAN ORANG TI UDAH TUAI UMUR NAPI HARI TI PENUDI DALAM UMUR SIDA

Penanggung ketegal rega barang ti seruran niki majak ngurangka kuasa meli barang ba bala orang ti tuai umur. Penekul ba pengidup sida ti tuai tau bendar ngeruga runding mayuh rakyat menua Malaysia.

Pakatan Rakyat deka ngerembaika Skim Bonus Raban Orang Tuai ti udah dipejalaika di Pulau Pinang ngagai serata Malaysia. Tiap iku orang ti beumur 60 taun ke atas deka nerima bantu bonus RM1,000 tiap taun dikena ngurangka penekul pengidup sida.

## JAKU BANSA DEKA DIANGKAT, KUASA JAKU DIRI EMPU DIINTU LALU JAKU ENGLISH DIANGKATKA MANAH AGI DALAM ATUR PELAJAR BANSA DIKENA NENTUKA ATUR PELAJAR TI PECHUMA KE SEMUA ANAK MALAYSIA.

## NGELALA UNGKUP PENGAWA SEKULA PENGASIL RAKYAT LALU NGGAGIHKKA BELANJA TI PATUT NGAGAI SEKULA-SEKULA TU.

Pakatan Rakyat deka berterima kasih keasil ari sekula agama rakyat, Sekula China enggau Tamil (SJK), Iban, Kadazan enggau seula mission ti sama-sama ngemansangka atur pelajar bansa.

# 1,854

Sekula Pengasil Rakyat bansa tu deka nerima duit bantu tambah nitihka pemayuh nemiak RM300 ke tiap iku nemiak ninting taun ti begunaka agih belanja RM220 juta.

Bantu tambah nya puku ti diperanakka Pakatan Rakyat dikena ngangkatka pemanah atur pelajar ba sekula-sekula tu, nyengkaum pengawa ngangkatka pemanah rumah enggau pereka pelajar ti beguna.

# UEC

Pakatan Rakyat deka ngelala Sijil Peresa Begerempung (Gerempung Sekula Sekondari China) tauka UEC betuju dikena ngemasukka raban nemiak nagagi ikas universiti lalu begunakan pemandai sekula lebuuh minta pengawa.

**BEBASAKA PENUDUK MENUA SARAWAK ENGGAU SABAH DALAM PERINTAH BESAI**

Pakatan Rakyat deka nandu semaya iya dikena ngetanka kuasa Sabah enggau Sarawak ti udah bisi dalam Langkar Adat Perintah Besai baka ti udah ditetapka dalam Penetap Kuching (Kuching Declaration), baka dirintaika ditu:

**Kereja sama begempung**

Ngintu isi Sempekat Malaysia lalu ngangkatka pemanah penuduk Sarawak enggau Sabah ngambika sama ikas enggau menua di Semenanjung Malaysia sereta meri pulai kuasa autonomi nitihka Adat Perintah Besai.

**Bepengari ti lurus**

Ngangkatka pemanah kaul bansa entara Sarawak, Sabah enggau menua-menua di Semenanjung Malaysia enggau chara berakupka kuasa chara lurus sereta ngangkatka Semangat Sempekat Malaysia.

**Peranak Menua**

Bejalaika pengawa meresi rintai nama peranak menua enggau rintai nama pengundi di serata menua tu lebih agi di Sarawak enggau Sabah, lalu ngelala kuasa peranak menua tu empu ti enda chukup penerang ngambika diterima nyadika peranak menua lalu dikena ngapuska penanggung kad pengelala peranak menua ti pelesu dikena nyukung tuju politik ti sempit.

**Ngelala kuasa ba atas Tanah Adat**

Ngelala kuasa orang bansa asal ba atas tanah adat baka ti bisi dalam Undang-undang menua Sarawak enggau Sabah enggau chara numbuhka Opis Komisyen Tanah dikena mansik, mutarka penyarut tanah, ngemaruka, mansik sereta ngemanahka agi Kuasa Adat Orang Bansa Asal atas Tanah Adat.

**Pengelandik enggau pejalai Sarawak enggau Sabah ke mua**


Kami deka ngelala tuduh mangku pengawa ke rakyat Sarawak enggau Sabah ba menua sida empu ngambika sida tau nyadi tuai pengereja pengawa ba Opis Perintah di menua sida empu, diberi kuasa Sekretari Menua dalam dua bengkah menua nya lalu ngenuluka rakyat Sarawak enggau Sabah ba ikas Perintah Besai dikena bejalaika pengawa ba menua diri empu.

**Pengelurus ba isu minyak**

Kami deka nikika bayar royalti minyak ngagai menua Sarawak enggau Sabah ari 5% ngagai 20%.

**Pemansang ti sebaka**

Kami deka ngangkatka ikas pemansang perengka ti diguna di Sarawak enggau Sabah awakka sebaka pemanah baka di Semenanjung Malaysia.



**Enggau nya, program di baruh tu deka dipejalaika enggau jampat dikena ngamatka semaya Penetap Kuching (Kuching Declaration) ke rakyat Sarawak enggau Sabah:**

- Ngapuska atur pengawa ngangkut barang ti tau ngujungka rega barang niki enggau tinggi di menua Sarawak enggau Sabah ti deka nekul rakyat.
- Meri peransang ngagai orang ti deka beranakka puku dagang ti ulih nitihka atur ngadaka peluang kereja di Sarawak enggau Sabah dikena nentuka sama rata ba pemansang ekonomi menua enggau rakyat.
- Numbuhka dua bengkah kompeni minyak ba ikas dua diempu Perintah Sarawak enggau Perintah Sabah sama ngambi bagi dalam dagang minyak enggau gas ti deka nyadika pengawa beranakka puku ke rebak dudi lalu mega ngadaka peluang kereja ke bala rakyat Sarawak enggau Sabah.
- Belabuh ngaga jalai alun ngerenchah menua Sarawak enggau Sabah dikena besabungka Kuching enggau Kota Kinabalu enggau Kudat.
- Ngapuska enggau jampat pengawa ngaga tekat ai ti tau ngerusak rampa menua ti mega tau mindahka raban bansa asal pansut ari kandang menua sida empu.

**KUASA TANAH ENGGAU PENGELANTANG RABAN ORANG ASLI DIINTU**

Pakatan Rakyat deka bebasaka kuasa tanah enggau pengelantang raban Orang Asal. Bala Orang Asli nya deka diasuh bebas ngatur pengidup sida empu enggau chara meri pulai kuasa ba tanah asal sida empu.

Jamin Pakatan Rakyat dikena ngintu pengelantang raban Orang Asli:

**141,000**

hektar tanah Orang Asal diintu lalu pemutus iya deka dipulaika ngagai raban Orang Asli.

**AIR ELEKTRIK**

bekal ai beresi enggau kuasa elektrik deka digaga manah ke agi ba semua 852 genturung pendiau raban Orang Asli.

**5,000**

bantu scholarship ba pelajar tiap taun diberi ngagai bala anak raban Orang Asli ari ikas sekolah nyentuk ke ikas universiti.



## BELEMATIKA SERETA BEBASAKA PENUDUK PENGARAP ISLAM NYADIKA PENGARAP PERINTAH BESAI, NYAMIN KUASA BEBAS MEGAI PENGARAP

---

Pakatan Rakyat deka belematika penuduk pengarap Islam ti digaga nyadika pengarap Perintah Besai lalu nyamin kuasa bebas megai pengarap baka ti bisi dalam Adat Perintah Besai.

Penuduk Islam nyadika pengarap Perintah Besai ti bempu tanggungpengawa ti besai ngenegapka kaul pupu raban bansa menua Malaysia, nengah semangat bebasaka pangan diri. Raban bansa Malaysia ti bebasaka pengarap Islam enggau atur bepengarap ti tau mansutka raban bansa ti mereti, tinggi penemu sereta bagas kereja.

## NGANGKATKA GAYA IDUP TI NYADIKA TERAS MANAH PENGIDUP DALAM RABAN BANSA

---

Gaya idup nya nyadika penanggam semua bansa, ngerapitka kaul lalu ngemansangka raban bansa ti bisi pengarap ba gaya diri empu.

Pakatan Rakyat ngangkatka pekara main asal ti bekeringka rega diri ti dikelala semua mensia enggau pengidup bepengarap, ngenegapka sebengkah-sebengkah gerempung enggau kaul idup beraban-bansa, ngeninggika penemu, angkunka pemansang jaku lalu meransang penumbuh mayuh macham pampang pengelandik jari enggau pengelandik ba main.

Gaya idup ti dikena nyambut mayuh macham pemanah lalu dikena nerima penegap enggau pengering ti enda sebaka deka nyadika pelasar ti manah idup beraban-bansa rakyat Malaysia.



# EKONOMI RAKYAT

1. 1 juta peluang kereja ke rakyat
2. Bekunsika asil enggau sama rata nengah atur gaji pemadu mit
3. 1 juta pengereja pengawa ti landik ari raban nemiak ti udah badu besekula
4. Reformasi dalam pelajar dikena meransang ekonomi
5. Ngemanahka atur bekunsi pemintar dala gerempung pengereja pengawa, bala pengaji enggau perintah
6. IKS enggau inovasyon nyadika teras ekonomi menua
7. Ngemanahka agi atur chukai rakyat ketegal atur sama rata
8. Ekonomi meruan
9. Nngangkatka ekonomi enggau pengelantang raban soldadu
10. Nngangkatka pengelantang raban deriba teksu
11. Beranakka puku dalam R&D manggai 5% ari KDNK
12. Pekara pemindah mensia mayuh nyadika pengerak ekonomi menua
13. Mechahka dagang nengali dikena ngeregaska semekih

# EKONOMI RAKYAT

Ekonomi ti manah diasilka rakyat empu. Rakyat ti manah ba penatai pemisi lalu landik tau bebagika pengelandik lalu ngenkatka asil sida. Kuasa ekonomi ti bepusat ba jari rakyat empu nyadika puku ti diperanakka lalu dipulaika nyadika pemanah ekonomi menua.

Pakatan Rakyat bisi bendar pengarap ke potensyel ekonomi menua tu udah dilampat peneka raban elit ti bekuasa sereta enggau bala kroni sida. Raban tu ngulihka mayuh penguntung ngena konsesyen enggau pengawa dagang nengali ti diberi ngagai sida nya, tang mensia mayuh ditejuka nanggung utang menua.

Gaji ti niki kena tuntung penanggul. Ungkus ngidupka diri enggau rega rumah majak niki. Iya ti kaya majak nyadi kaya, iya ti suntuk majak nyadi suntuk. Datai ba taun 2020, raban orang ti suntuk di menua Malaysia deka manggai ngagai 8 juta iku, taja pan, kenu ku orang, penatai pemisi menua majak betambah manah. Ba atur ekonomi ti sama, tiap serak tubuh Malaysia deka nyadi suntuk agi raban apai indai sida.

Enggau nya, chara pengeraja menua tu diatur ngena atur reformasi ti regas agi. Beri pulai kuasa ekonomi ngagai rakyat, tumpuka pengerajin ba pengawa ngenkatka pemanah ekonomi ba ikas mensia mayuh, ukai dikena nyelamatkan bala kroni enggau kompeni korporat.

Atur ekonomi rakyat ti bai Pakatan Rakyat beteriksa sebengkah juluk ti pepadu beguna: tiap iti ruang bilik di Malaysia deka mai pulai penatai pemisi enda kurang ari RM4,000 sebulan udah renggat ti keterubah Pakatan Rakyat megai perintah di Putrajaya. Tu ulih dijapai ngena polisi-polisi ti numpu

ngagai ngagai pengeregas ti ngeringka pelasar ekonomi rakyat.

Gaji ti pepadu mimit dikenataika awakka nadai agi rakyat Malaysia ti dibayar upah baruh ari guna ba unguks ngidupka diri. Mayuh agi rakyat Malaysia ti bekereja reti nya tinggi agi penatai pemisi ke tiap ruang bilik.

Peluang bekereja ke rakyat ba menua nya empu diperatika dulu dikena ngurangka peminta tulang bala pengereja pengawa ari menua bukai. Tumpu ba numbuhka pengelandik ti belipat-lipat ke bala nemiak ti badu besekula deka nentuka sida deka nangkup sektor kereja lalu ulih mai pulai gaji ti pepadu mimit.

Reformasi ba atur pelajar sekula enda tau enda berakupka tanggungpengawa ngiri buah penemu enggau peminta ke ekonomi menua tu.

Pengeraja enggau wang turu duit bantu ditujuka ngagai raban mensia mayuh - sekali ke ari bala soldadu ti udah pinchin, orang dagang ti agi biak enggau mimit nyentuk ke ngagai palan pengaga barang ti mit enggau jalan pemesai - laban ekonomi ti datai sida nya deka meri empas ti terus ngagai pengelantang mensia mayuh.

Pakatan Rakyat bisi pengarap lebuah rakyat udah nyadi kaya, menua mega ulih nyadi kaya. Lebuah penatai pemisi rakyat udah tegap, penatai pemisi enggau pengeraja menua mega belipat-lipat.

Atur ekonomi rakyat deka mulaika kuasa ekonomi ngagai jari rakyat, ukai pulai ngagai jari bala kroni.

## 1 JUTA PELUANG BEKEREJA TI BARU KE RAKYAT

---

Pengawa nugungka orang luar bekereja di menua tu ngujungka enda kurang ari 2 juta iti pengawa diatu dikuasa anak kuli menua luar.

Empas ari nya, rakyat Malaysia empu nadai peluang bekereja dalam ladang, pengawa ngaga rumah enggau jalai enggau servis ti bukai.

Pakatan Rakyat deka bejalaika sebengkah program dikena nentuka 1 juta peluang bekereja baru dibuka ke rakyat Malaysia ba semua sektor tu enggau chara ngurangka 1 juta anak kuli ari menua luar ngena chara berenggat-renggat datai ba taun kelima iya merintah menua tu.

## BEKUNSIKA ASIL ENGGAU CHARA LURUS NENGAH GAJI PEMADU MIMIT

---

Pakatan Rakyat seruran nagih atur gaji pepadu mimit belalauka batang penemu tiap iku penegereja pengawa bisi kuasa dibayar gaji ti setipak enggau unguks ngidupka diri pepadu mimit, awakka rakyat enda merinsa ngidupka diri.

Pakatan Rakyat mega bisi pengarap ke asil ti meri penguntung ke bala orang dagang enggau pengaji enda tau enda dikunsika enggau lurus enggau bala pengereja pengawa sida.

Atur gaji pepadu mimit nya chara pepadu manah dikena nentuka pengawa bekunsika asil tu lalu nentuka tiap sektor bisi daya semekih.

Dalam perintah Pakatan Rakyat enggauchara ngenataika gaji pepadu mimit, tiap pengereja pengawa deka dibayar enda kurang ari RM1,000 sebulan.

## WANG TURU RM2 BILLION NGEMUDAHKA ATUR NGEMUNKA GAJI PEMADU MIMIT

---

Pakatan Rakyat arapka pengawa bekunsika asil enggau lurus beguna pemer diri ari tiga bengkah orang: bala pengaji, bala pengereja pengawa enggau perintah. Pengerugi belanja maya mungkal pengawa ditanggung bala pengaji ba renggat keterubah maya bejalaika atur gaji pepadu mimit nya enda tau enda begunaka bantu ari perintah.

Wang turu ngemudahka atur gaji pepadu mimit bepenyampau RM2 billion deka ditumbuhka dikena meri peransang automasyen enggau belanja bejalaika atur gaji pepadu mimit ngagai kompeni-kompeni ti patut ngena iya ngambika nentuka penyampau pengawa enda tanggul laban pemun atur gaji pepadu mimit.

Peransang automasyen enggau bantu dikena bejalaika atur gaji pepadu mimit ngenuluka palan pengaga barang mit enggau jalan pemesai (IKS) sekumbang timpuh ti udah ditetapkan.

## 1 JUTA PENGEREJA PENGAWA TI UDAH DILATIH ARI RABAN NEMBIAK TI UDAH BADU BESEKULA

---

Atur pelajar enggau latih ke diatu udah dipeda melakangka raban nembia ti udah badu besekula ti enda nampung pelajar sida ngagai ikas ke tinggi agi.

Empas ari penanggung tu Malaysia ngembuan 3 juta pengereja pengawa ti agi biak umur ti enda bepeluang nerima latih ti tau dikena nyungkak ekonomi menua.

Pakatan Rakyat deka ngangkatka pengawa raban pengereja pengawa ari raban nembia ti udah badu besekula dikena ngeregaska agi ekonomi, enggau chara:

# 1 JUTA

nembiak ti udah badu besekula ti enda nampung pelajar tinggi agi deka dilatih ngena Skim Perintis Rakyat ti begulaika peluang bekereja tetap enggau atur meri siji pengelandik nyentuk ke ikas diploma.

# 5 UNIVERSITI TEKNIKAL

Universiti Teknikal deka digaga dalam kandang 10 taun ti numpuka pengawa meri latih enggau kus pengelandik bekereja enggau teknikal. Nembiak ti pandai ari Skim Perintis Rakyat bisi peluang nampung pelajar ngagai ikas ijazah ba universiti-universiti teknikal.

# 25 SEKULA VOKASYIONAL

sekula vokasyional baru deka digaga di serata menua tu lalu disikap enggau kurikulum baru nitihka peminta ekonomi ke diatu.

## REFORMASI PELAJAR MERANSANG EKONOMI

Sistem pelajar ti kelalu ngemeranka peresa deka diubah

Pugu reformasi pelajar endang deka nyadika tiap iku nembiak nitihka pengerindu sida, penau sida. Pengelandik jari, inovasyen deka nyadika tuju kurikulum ti bendar.

Atur pelajar nya dikena mansutka raban pengereja pengawa dikena nyukung ekonomi. Sida tu ngaga utai ke baru, sereta ngemanahka agi utai ti udah bisi.

Pakatan Rakyat deka numbuhka sebuah Komisyen Di-Taja dikena mansik enggau silik baka ni chara deka ngemanahka agi atur pelajar ngambika ulih begembar enggau pugu reformasi pelajar ti udah digaga.

## NGANGKATKA PEMANAH BEKUNSIKA PINTAR GEREMPUNG PENGEREJA PENGAWA, BALA PENGAJI ENGGAU PERINTAH

Kaul gerempung pengereja pengawa enggau bala pengaji seruran tanggul ketegat perintah selalu ngeringka bala pengaji.

Pakatan Rakyat bisi pengarap pemanah ekonomi menua ditentuka bala pengereja pengawa enggau pengaji sida.

Pengelurus enggau penampak ba raban pengereja pengawa enggau pengaji sida deka nentuka pemujur ekonomi.

Pakatan Rakyat deka ngapuska semua undang-undang enggau atur ti berat sepiak sereta beduan raban pengereja pengawa.

Pakatan Rakyat deka nyediaka wang turu dikena ngeregaska agi bekunsi pintar gerempung pengereja pengawa, pengaji enggau pengaji lalu ngerandang jalai baru ba dagang pengereja penga menua tu.



## IKS ENGGAU INOVASYEN NYA PUGU EKONOMI MENUA

Inovasyon nya deka ngemanahka agi ekonomi menua ti udah nya tau ngujungka menua nyadi menua maju.

Pakatan Rakyat bisi bendar pengarap ke gempung antara inovasyon nya nyadika daya lalu IKS nya nyadika pemandu ekonomi menua ti deka muka potensyal ekonomi menua.

### WANG TURU INOVASYEN BANSA BEPENYAMPAU RM500 JUTA:

Menguatkan industri hakcipta dan bank idea. Menggalakkan pengkomersilan idea dan rekcipta

### NGUBAH BANTU ENGGAU SUKUNG KE IKS:

Polisi IKS ngembuan tuju dikena ngatur sereta meransang bantu ngagai IKS ari institusyen duit jali.

Ngubah atur dalam bantu ba atur chukai enggau chara bantu ti dialihka ngagai IKS enggau industi ti besai-besar.

## NGEMANAHKA AGI ATUR CHUKAI RAKYAT DIKENA NYUKUNG PENGELURUS

Gaya chukai penatai pemisi ke diatu nadai meri gambar pasal gaya ekonomi rakyat ti bendar. Raban orang bti kaya raya ti ngembuan reta beratus ribu juta dipinta mayar chukai sebaka enggau siku eksekutif kompeni.

### GARIS PENATAI PEMISI TI SAMA

Garis penatai pemisi ti dikena ba chukai orang siku-siku deka diubah ngambika tau ngambarka ekonomi rakyat ke diatu.

Garis penatai pemisi deka digaga besai agi buka ke penatai pemisi ti tau kena chukai lebih ari RM400,000 ke atas, enti bebanding enggau RM250,000 ke diatu.

Tuju atur tu dikena ngambarka pengamat unkus ngidupka diri ti ditapi rakyat.

## EKONOMI TI MERUAN

Pakatan Rakyat deka nutup operasyon Lynas di Gebeng, Pahang.

Polisi ekonomi Pakatan Rakyat begunaka atur ke rampa menua ti meruan lalu ngambi kira semua macham penanggul ti deka ninggang rakyat sebedau iya dikemendarka.

Enggau nya, sebarang pengawa ekonomi ti bisi bekaul enggau ngeluarka panchar radiasyen berachun ti tau nganu mensia mayuh tauka sebarang pengawa ti dikira ngerusak rampa menua enda ulih dikemendarka perintah Pakatan Rakyat baik ke ba ikas perintah menua tauka perintah besai.

Ke lebih agi Pakatan Rakyat deka:

1. Mansik baru renggat-renggat atur projek RAPID di Pengerang dikena ngintu pengelantang rakyat sereta ngintu rampa menua.
2. semua undang-undang ti endang udah bisi ti bekaul enggau pengawa ngulihka kayu lalu mega ngemataka pengawa ngulihka kayu.

## NGINTU EKONOMI ENGGAU PENGELANTANG RABAN PENGELIKUN BANSA

RM500 juta deka diagihka ngagai Wang Turu Orang Dagang ke bala orang ti udah badu nyadi soldadu.

Kelimpah ari meri bantu mata duit, Wang Turu mega deka diasuh meri latih enggau kus ke bala soldadu ti udah badu kereja awakka sida ulih masuk pengawa dagang.

Pakatan Rakyat deka nambahka duit bantu perintah ke dalam LTAT ari 15% ngagai 20% dikena nentuka rebak dudi bala soldadu ti udah badu kereja.

Tambah ba bantu 5% nya deka dikemataka dalam sebengkah wang turu kediri lalu diseraraka ari wang turu pinchin dikena melanja wang turu enggau bantu ti terus ngagai soldadu ti bisi pinchin enggau ti nadai pinchin.

Pakatan Rakyat deka mantaika Dividen Soldadu iya nya bantu ngagai raban soldadu ti udah badu kereja ti enda bepinchin bepenyampau RM2,000 setaun, ari duit agih tambah perintah enggau untung dalam LTAT. Penyampau duit agih nya manggai RM400 juta setaun.

## BEDAYAKA RABAN ORANG TI BISI TEKSI

Pakatan Rakyat deka ngapuska atur permit teksi ti diberika ngagai sekeda kompeni dikena ngulihka untung ari tulang bala deriba teksi.

Permit teksi deka diberi terus ngagai bala deriba teksi dikena ngeluarka mayuh agi orang dagang ti bisi teksi.

Agensi perintah bempu tanggungpengawa ngelatih orang ti bisi teksi enggau pengelandik meri servis ke bala penumpang enggau dagang. Pengelandik bejaku mega digaga manah awakka sida tau nyadi pengari ti manah ke menua.

Subsidi minyak teksi deka digaga manah ke agi dikena nentuka sida bekelimat ngena minyak ti tau nguntungka sida enggau penumpang.

Sekim bantu ke raban orang ti bisi teksi:

- Sekim pengelindung insyurans takaful
- Sekim pengelatih pengawa bedagang
- Peransang numbuhka kedai koperatif
- Sekim bantu dikena meli teksi baru



## BERANAKKA PUKU DALAM PENGAWA R&D DEKA MANGGAI 5% ARI KDNK

Sekeda singkang dikena ngangkatka pengawa beranakka puku dalam pengawa R&D ngambika manggai ngagai ikas 5% ari KDNK:

1. Ngemesaika bungkur ba pengawa beranakka puku enggau bantu ti dikemendarka ba Wang Turu Petroleum ti endang udah bisi;
2. Pengelepas chukai ke barang tauka servis ti dijual asil ari pengawa beranakka puku R&D ti digaga ba universiti;
3. Pengelepas chukai ngena chara peransang beranakka puku ke palan pemansik enggau ke bala pakar pemansik ti bai masuk; enggau
4. Peransang beranakka puku ke pansik R&D ti dikereja di Malaysia ti mujur dijual.

### PENGANGKUT MENSIA MAYUH NYADIKA SEPUT EKONOMI MENUA

Pakatan Rakyat betanggungpengawa mutarka penanggul jalai sekut di semanjai Lembah Klang enggau negeri besai ti bukai dalam kandang 10 taun megai kuasa, lalu beniat ngurangka penyekut jalai ngagai 50% ba renggat ke terubah.

Penanggul jalai ti sekut bepun ari ti enda ibuhka atur pengangkut mensia mayuh dalam kandang negeri enggau antara negeri. Lama bendar udah, pengawa beranakka puku ba atur pengangkut mensia mayuh enda dikibuhka nyentukka bala rakyat nadai pilih bukai ari ti ngena perengka pengangkut diri empu.

Pengawati bepanggai ba perengka pengangkut diri empu mai empas ngagai ekonomi menua. Iya nambahka ungkus subsidi, nambahka pemerat belanja diri sebilik, ngamahka rampa menua kelimpah ari ngasuh jalai majak sekut.

Pengawa beranakka puku ba mutarka penanggul pengangkut mensia mayuh ba perintah Pakatan Rakyat deka nyadika atur pengangkut mensia mayuh nyadika seput ekonomi menua.

## ATUR PENGANGKUT MENSIA MAYUH DALAM KANDANG NENGERI

- Atur pengangkut ti enda bebayar ke raban ti enda sebaka pemidik tauka penimpang tubuh.
- Ngubah atur pengangkut mensia mayuh ti begunaka MRT enggau bas di Lembah Klang awakka manah agi.
- Meratika baru tiap kontrak ti diberi dalam pakej MRT nitihka undang-undang ke diatu dikena nentuka nadai penyalah makai suap udah kala dikereja lalu ngemataka ungkus ti deka ditanggung rakyat.
- Tambah dalam puku ti diperanacka ti manggai RM2 billion ba taun ke terubah dikena nambahka penyampau bas enggau arus pejalai bas di Lembah Klang nyentuk ke ditambah dua kali lipat.

## ATUR PENGANGKUT MENSIA MAYUH ENTARA NENGERI BESAI

Belabuh enggau singkang ke terubah nuju pengawa ngaga atur keritapi laju antara negeri besai ti ke terubah dalam kandang menua Asia tu.

## NGAPUSKA MONOPOLI NGAMBIKA NGEREGASKA SEMEKIH BA PENGAWA DAGANG

Monopoli tau muntanka ekonomi lalu munuh semekih dalam dagang. Monopoli ba sekeda servis enggau barang ti dikuasa sekeda kompeni besai meri sida kuasa nentuka rega ti tinggi ti nekul rakyat. Monopoli ngasuh semekih puntan lalu ngasuh ruang penumbuh raban orang dagang ti baru nyadi semakin sempit.

Chara ekonomi Pakatan Rakyat endang dikena mechahka monopoli lalu ulih ngeregaska semekih. Iya ulih dikena nurunka rega barang enggau servis ti udu nekul rakyat lalu ulih dikena ngeluarka ekonomi menua enggau chara ngeluarka mayuh agi raban orang dagang ti mujur.

### MECHAHKA MONOPOLI

- Numbuhka Komisyen Ngelaban Monopoli sereta ngubah undang-undang ti benung dikena bekaul enggau semekih ti dikena meri kuasa ngapuska pengawa dagang ti enda lurus.
- Numbuhka Komisyen Kontrak Awam dikena meratika baru dikena nentuka semua sempekat antara perintah enggau kompeni enda bechiping sereta ngerugi rakyat.
- Mechahka monopoli ba dagang komunikasyon, barang pemakai, ubat, penerebai bilun enggau sektor ti bukai.
- Ngubah sempekat pengeluaran kuasa ti bebas (IPP) ti berat sepiak ngelama tu dikena nyeliahka duit rakyat enda terus dikena nambahka pengaya bala kroni.

### NGEREGASKA SEMEKIH

- Madamka 1MDB awakka Khazanah tetap nyadika agen ti ngemanatka pengawa beranakka puku menua.
- Ngapus kuasa perintah megai share dalam kompeni-kompeni ti bekaul enggau perintah (GLC) dalam pengawa dagang ti nadai share dalam dagang menua ngagai atur GLC ngena chara management buy-out, awakka ulih ngasilka mayuh agi orang dagang bumiputera bedaya maju.
- Ngubah pengawa Ekuinas awakka nyadi agensi dikena mantu ngeregaska agi ngulihka GLC.
- Nentuka penguntung enggau chara tender terbuka dipejalaika ba semua atur pengawa ke mensia mayuh.



# PENGELANTANG RAKYAT

1. Ngurangka pemerat unguks ngidupka diri rakyat enggau chara nurunka rega barang lalu ngapuska dagang nengali
2. Ngemanahka agi polisi dagang kerita bansa dikena ngurang penekul ba rakyat
3. Atur berumah ti manah sereta ulih dibeli semua
4. Pekara pelajar pechuma ke semua, ngapuska PTPTN
5. Ngapuska AES, madamka saman AES
6. Pengelurus ke raban Felda
7. Pengelantang rakyat
8. Pekara pengerai ti pechuma dikenuluka
9. Ngaga kaul pengelikun sosial ke rakyat

# PENGELANTANG RAKYAT

Rakyat ditating unkus ngidupka diri ti tinggi taja pan gaji enggau upah enda ditikika. Raban ke rebak dudi nya suntuk agi sida ti dulu agi, lalu rebak ke nangkanka sida nya mega suntuk agi.

Belanja ke tiap ruang bilik ditating pamar rega ti ditetapka bala kroni enggau kompeni ti besai-besai. Sida tu nguasa sektor pengeluaran kuasa, telekomunikasyon, pengangkut, ai enggau barang ke guna besehari-sehari. Empas ari nya rega barang ditikika sepeneka ati ke penguntung sida ti enda lama.

Penanggul ekonomi ti udu nekan rakyat enda tau enda ditagang.

Konsesyon ti nguntungka sepiak aja lalu ditemu tau nating rakyat enda tau enda diketuka.

Sektor ti suah dipeguna mensia mayuh enda tau enda dibuka awakka mayuh agi orang dagang tau dibai dikena nurunka rega barang.

Perintah enda tau enda ngereja ungup iya ngemataka sektor ti dipeguna baka rumah dikena nulung rakyat ti enda ulih mayar rega rumah ti kelalu mar.

Mayar duit jali pulai niting bulan mayuh bendar ngerua duit gaji rakyat, baka duit injau kerita enggau PTPTN, patut diturunka enggau chara ngubah atur ngulihka chukai kerita sereta ngapuska PTPTN.

Rakyat di menua pesisir nyengkaum raban di sekim Felda diasuh bedayaka diri enggau chara meri jamin ke kuasa sida ba tanah sida empu sereta ngaturka sida pengawa ekonomi dikena sida nambahka asil sida niting bulan.

Pekara penyaga pengelikon enggau pengerai rakyat enda tau enda digaga manah ke agi. Penyikar bala pengereja pengawa ba pekara dua iti nya begunaka ubah ba chara kereja dikena ngulihka pengarap rakyat ngagai raban penyaga pengelikon baka raban polis enggau soldadu.

Pakatan Rakyat besaum penenemu ti senutuk enggau peneka sereta pengingin rakyat ti endur enam iti singkang ti enda tau enda dipejalaika dikena ngemataka pengelantang rakyat:

## NGURANGKA TATING UNGKUS TI DITANGGUNG RAKYAT NGIDUPKA DIRI ENGGAU CHARA NGAPUSKA MONOPOLI SERETA NGURANGKA REGA

### REGA MINYAK DITURUNKA

#### REGA PETROL ENGGAU DIESEL DEKA DITURUNKA.

Rega minyak mata ti tinggi ti manggai RM300 se tong tau ngangkatka penatai pemisi menua.

Pakatan Rakyat pechayaka penguntung ari minyak tu patut dipekunsika enggau rakyat dikena ngurang penanggul rakyat.

Enggau chara nya, Pakatan Rakyat deka meri penguntung ari minyak dikena nurunka rega minyak enggau diesel.

### BAYAR ELEKTRIK TI BARUH

#### BAYAR ELEKTRIK DEKA DITURUNKA.

Tiap taun menua lenyau duit RM25 billion nengah subsidi gas ti diberika ngagai kompeni besai ti nyadi pengeluaran kuasa elektrik ti ngatika diri enggau subsidi gas ngagai industri.

Taja pan sida bulih subsidi menua, sida mengkang nyual kuasa elektrik ngagai TNB ngena rega ti tinggi. Untung bala IPP manggai beribu juta ringgit ninting taun, tang bayar elektrik majak tinggi.

Pakatan Rakyat deka ngeluarka subsidi RM25 billion tu terus ngagai rakyat enggau chara nurunka bayar elektrik ti nating rakyat.

### BAYAR AI TI BARUH

#### KONSESYEN AI TI DIBERIKA NGAGAI KOMPENI PENYUAL AI NGUJUNGKA BAYAR AI TI TINGGI DEKA DIAPUSKA.

Pakatan Rakyat deka nentuka perintah menua enggau perintah besai besepenemu nurunka bayar ai ti endur rakyat semina mayar unkus bejalaika pengawa-pengawa ti patut.

Bayar ai ti mimit dikemataka ngambika tau ngurangka unkus ngidupka diri ti ditanggung rakyat.

## NGAPUSKA TOL

**PERINTAH DEKA NGAMBI KUASA NGATUR JALAI BESAI ENGGAU CHARA BERENGGAT-RENGGAT BETUJU NGAPUSKA TOL.**

Baka ti disemayaka dalam Bup Jingga Pakatan Rakyat deka ngapuska tol berenggat-renggat

Atur melanja jalai besai ulih dipelanja ngena wang turu RM5 billion ti ngelama tu dibayar nyadika pampas ngagai kompeni ti megai konsesyen.

Atur ngapuska tol tau mantu ngurangka rega barang.

---

## NGAPUSKA MONOPOLI

**REGA BARANG DEKA DITURUNKA LEBUH DAGANG MONOPOLI DIAPUSKA**

Monopoli ti dikuasa sekeda kroni ti bekaul rapat enggau raban pemerintah udah ngujungka rega barang dikuasa nitihka peneka sida. Monopoli udah ngujungka rega barang niki di menua tu.

Dagang monopoli udah bisi dalam semua sektor di menua tu - ari perengka telekomunikasyen ngagai ASTRO, ari rega beras ngagai rega gula.

Pakatan Rakyat deka ngapuska monopoli dikena nambahka semekih dalam ekonomi ti udah nya tau nurunka rega barang ti dipeguna mensia mayuh.

---

## NGUBAH POLISI DAGANG KERITA DIKENA NGURANGKA PENEKUL PENGIDUP RAKYAT

Rega kerita di Malaysia enti dibandingka enggau penatai pemisi ruang bilik rakyat tau dikira antara rega ti pepadu tinggi di dunya tu. Ari ketegal kurang atur pengangkut mensia mayuh udah ngujungka rakyat tepejal meli kerita ke diri empu.

Empas ari nya utang meli kerita nyau nyadi penekul ke rakyat. Tiap bulan mayuh agi ari agih belanja sebuah ruang bilik udah dikurangka ketegal dikena mayar utang kerita.

Dikena ngurangka penekul ba rakyat lalu nambahka penatai pemisi rakyat, Pakatan Rakyat deka ngubah polisi dagang kerita baka ti dirintaika ditu:



## NGAPUSKA CHUKAI EKSAIS

Chukai eksais atas kerita ti kelalu tinggi pada 70% ngujungka rega kerita ditikika.

**Chukai eksais kerita deka diturunka berenggat-renggat dikena ngapuska iya dalam timpuh 5 taun awakka rega kerita bisi daya semekih.**

## REGA KERITA SEMARUH RM25,000

Ngatur industri kerita lebih awakka bebas dikena nentuka daya semekih ke rakyat.

**Pakatan Rakyat pechaya industri automatif menua tu amat-amat bedaya semekih ngeluarka kerita enggau rega semaruh RM25,000 sebuah.**

## RUMAH TI NYAMAI ENDUR DIAU SERETA ULIH DIBELI SEMUA

Rega rumah udu niki ke lebih agi ba kandang nengeri besai ti ngujungka mayuh orang enda ulih meli rumah.

Tu nyadi ketegal dagang tanah dikuasa ketegal undang-undang ti ngarika raban pengaga rumah.

Pakatan Rakyat deka nyungkek program rumah ti nyamai endur diau sereta mudah dibeli dikena nuju juluk ati menua sebuah rumah, sebuah ruang bilik.

# 150,000

buah rumah ulih dibeli dalam kategori unguks mit (ari baruh RM75,000) enggau kategori unguks jalan mar (entara RM150,000 ngagai RM250,000) deka digaga dalam kandang renggat ke terubah perintah Pakatan Rakyat.

## OPIS RUMAH MENUA

deka ditumbuhka nyadika indu opis ti ngaga enggau ngemataka rumah ti ulih dibeli rakyat. Opis nya deka bempu tanggungpengawa ngaga rumah rakyat dikena nimbang rega rumah ti kelalu jampat niki.

Iya mega deka nentuka industri rumah bansa enggau meri jamin pengelurus ke rakyat enggau pengaga nyengkaum bejalaika konsep "ngaga lalu nyual" enggau besai agi rampa.

Pakatan Rakyat deka beranakka puku RM5 billion ba taun ke terubah dikena ngaga rumah ulih dibeli, lalu udah nya RM2 billion tiap taun ari taun kedua nyentuk ke taun kelima.

## PELAJAR PECHUMA KE SEMUA, NGAPUSKA PTPTN

Pelajar nya kuasa rakyat lalu nyadika tanggungpengawa perintah.

Pakatan Rakyat deka meri pulai kuasa pelajar pechuma ngagai rakyat laban atur nya ulih dipejalaika.

### BAYAR BELAJAR DITANGGUNG

Bayar ke pelajar ikas tinggi ke nemiak ba semua palan pelajar tinggi perintah deka ditanggung perintah.

Nemiak ti belajar ba palan pelajar tinggi swasta deka diberi subsidi ke bayar pelajar sida ti ditanggung perintah.

### ELAUN NGIDUPKA DIRI

Semua nemiak ti belajar ba palan pelajar tinggi perintah deka diberi elaun ngidupka diri dikena mayar unkus endur diau, pemakai, bup enggau perengka pengangkut kelimpah ari sida ti amat-amat datai ari ruang bilik ti kaya.

Nemiak ti belajar ba palan pelajar tinggi swasta tau nginjau bantu ari wang turu dikena sida nampung unkus ngidupka diri semanjai sida ti belajar nya.

### NGAPUSKA PTPTN

PTPTN deka diapuska laban iya udah ngujungka nemiak enggau apai indai sida bepanggai ba orang swasta nyediaka palan-palan pelajar tinggi perintah.

PTPTN enda diguna agi lebuah pelajar tinggi diberi enggau chara pechuma ngagi rakyat. Atur dikena mutarka penanggung berutang ba raban nemiak ketegal dituntung PTPTN deka dipejalaika dikena nyaga pengelantang tiap iku nemiak.

## NGAPUSKA AES, NGAPUSKA SAMAN AES

Pakatan Rakyat deka ngetuka atur pejalai AES ti ngeruga pengelikon rakyat ba jalai alun ti nyadika penatai pengaya raban kroni.

Pengelikon ba jalai alun deka nekanka guna perengka pengangkut ba jalai ti selamat agi dikena, pelajar ti manah agi, ukai atur ngukum rakyat baka ke diatu.

# PENGELURUS KE RABAN FELDA

Asil tulang raban FELDA ke pengaya menua enda ulih itung. Asil ari kelapa sawit dikena melanja pengawa pemansang bukai.

Enggau nya, raban FELDA bisi kuasa bulih bagi ba asil ti tinggi agi sereta diatur enggau lurus.

## PEMANAH NAMA FELDA ATUR TI LURUS

Pakatan Rakyat deka ngetanka pemanah nama Felda dikena nyamin ikas ekonomi enggau kuasa atas tanah ke raban Felda.

Tu nyengkaum ngubah kuasa megai share dalam FGV enggau chara meri pulai operasyon enggau kuasa bempu tanah FELDA ngagai raban FELDA sereta raban pengereja pengawa.

Raban FELDA enda dibayar nitihka gred ti udah ditentuka FELDA empu.

Pakatan Rakyat deka meresa baru semua peminta ba pampas ketegal keruga KPG lalu mayar pampas ti patut ngagai raban FELDA

## PENGELIKUN RAKYAT

Kes penyalah di serata menua, enda ngira nya di nengeri tauka di menua pesisir, tuai tauka biak, nunjukka atur pejalai pengawa polis ti puntan diatu.

Pakatan Rakyat deka meri pulai tanggungpengawa raban polis nyaga pengelikon rakyat lalu nagang penyalah. Tu deka ngangkatka pemanah nama enggau basa ke raban Polis Di-Raja Malaysia (PDRM) ba mata rakyat.

Sekeda ari atur mulaika tanggungpengawa polis ba nyaga pengelikon rakyat nya dientudika enggau pejalai atur ti jampat.

- Tuju nikika gaji raban polis ngagai 15% berenggat-renggat.
- baru raban polis dikena nambahka pematik tubuh dalam Opis Mata Gelap nyengkaum ngurangka pemesai Raban Gerak AM (PGA) enggau raban ti bukai.
- Agih belanja RM50 juta tiap taun dikena ngaga palan pos polis ba endur ti tebal agi digulu mensia mayuh.
- Agih belanja tambah RM200 juta tiap taun dikena ngangkatka pengeregas raban pemansik forensic dalam PDRM.

## PERENGA PENYAGA PENGGERAI DIJAMIN PECHUMA

Perengka nyaga pengerai nya kuasa enggi rakyat. Tiap iku rakyat Malaysia bisi kuasa ngusung dini-dini hospital pemerintah endur berubat ti enda bebayar.

Tu sekeda batang penemu Pakatan Rakyat ba pekara penyaga pengerai:

1. Nulak sebarang atur enchabut chukai penyaga pengerai baka ti diperambu dalam 1Care.
2. Meri jamin perengka penyaga pengerai nya diberi pechuma ngagai semua rakyat Malaysi nengah hospital pemerintah, lalu berebak enggau nya meransang hospital swasta minta unguks berubat ba rega ti patut.
3. Nyediaka wad pechuma ke semua rakyat ba semua hospital enggau chara ngapuska bayar wad ba Kelas 2 enggau Kelas 3.
4. Ngapuska monopoli mekal ubat, ngaga hospital enggau perengka hospital dikereja sekeda kompeni ti bekaul enggau orange lit ba pemerintah ti semina deka ngulihka untung kelalu tinggi.
5. Atur bekelimat maya ngapuska monopoli deka dipejalaika dikena meri pengawa berubat ti pechuma ngagai rakyat ti jalan penatai pemisi nyengkaum operasyon tungkul ati, operasyon perengka tubuh enggau ti bukai.
6. Ngungkupka siku lutur ke tiap 500 iku rakyat dalam kandang renggat terubah pejalai pemerintah, enti bebanding enggau siku lutur ke tiap 800 iku rakyat.

## NGAGA JARIN KE PEKARA PENGELIKUN RAKYAT

Bantu pengelantang ti dibayar nengah Opis Pengelantang Raban Bansa deka ditikika ari RM300 sebulan ngagai RM550 sebulan. Semua ruang bilik ti bepenatai pemisi baruh ari RM500 sebulan deka bulih bantu pengelantang dikena ngapuska penyeranta.

Wang Turu Komoditi Bansa RM100 juta dikena mantu ruang bilik ti ditemu dituntung rega komoditi ti turun ari baruh ikas ti ditetapka, nengah Bantu Komoditi Bansa ba penyampau RM500 sebulan ngagai tiap ruang bilik ti ditemu.

Ngaga atur pengkalan data bansa pasal semua penerang sosio ekonomi rakyat enggau chara begulaika semua penerang ti udah bisi ke diatu dipejalaika chara kediri-kediri. Atur tu deka nyadika sebengkah atur penerang pengelikon sosial rakyat ti ke terubah di menua tu.



# PERINTAH RAKYAT

1. Reformasi pekaru Islam enggau pekaru bepengarap
2. Pakej atur mayar gaji baru ke bala pengereja pengawa perintah
3. Pengawa bepilihbesai ti beresi, lurus sereta tampak
4. Reformasi pekaru pengawa bechara, Opis Lawyer Bansa, SPRM dan PDRM
5. Reformasi pekaru Parlimen
6. Media ti bebas lalu pechayaka raban pengarang berita
7. Ngapuska AUKU lalu bebasaka pengawa belajar ti bebas
8. Ngapuska semua adat menua enggau undang-undang ti nekan rakyat
9. Polisi Ngapuska Penyalah Makai Suap Bansa (DEBARAN)

# PERINTAH RAKYAT

Rakyat nya nyadika tuan ke perintah.

Pejalai pengawa perintah nya nyadika pengarap rakyat ngagai pengari ti udah dipilih sida.

Kuasa perintah datai ari kuasa rakyat ti ditentuka enggau chara terang, lurus, bebas enggau tau bendar dikarapka.

Ngelantangka rakyat nya tanggungpengawa perintah.

Eggau nya, perintah ti udah nemu diri enggau kuasa rakyat ngangkatka batang penemu pengelurus ke semua rakyat.

Perintah ti lurus patut dibasa, lalu perintah ti kasar patut dipechat.

Pakatan Rakyat nemu sereta ngelala semua macham pengerusak ti udah dikereja dalam atur perintah Malaysia.

Palan-palan ti nyadi tunjang menua udah dirusak, pemanah nama pengereja pengawa perintah nyau nyadika dinding salah guna kuasa ti dikemelika. Bejaku bula nyau yadika peneleba main enggau kuasa, perengka dikena meri penerang disalahguna awakka pulaika penguntung orang mayuh. Pengawa bepilihbesai udah digenggam, undi rakyat dikeleseka sida.

Reformasi ba politik ti dibai Pakatan Rakyat deka mai pulai atur perintah ti betuanka rakyat, ngema pengarap rakyat, masa peneka rakyat, bempu tanggung pengawa ngagai rakyat lalu meri jamin pengelurus ke semua rakyat.

## REFORMASI BA PENGARAP ISLAM ENGGAU ATUR PENGARAP

---

Atur pejalai institut pengarap Islam dikeringka agi enggau agih belanja ti mayuh agi (baka nambahka agih belanja ngagai Opis Pengarap Islam ba menua-menua diperintah Pakatan Rakyat)

Nambahka rega tanah wakaf awakka meri menguntungkan ba ekonomi ke rakyat.

Ngangkat pamanah nama pengarap Islam ba mua rakyat enggau chara ngelepaska iya ari ti kena kuasa politik.

Juluk ati ti deka nambahka wang turu dalam Tabung Haji dalam kandang sepuluh taun ba perintah Pakatan Rakyat.

Meri jamin kuasa bebas milih pengarap lalu bejalaika adat pengarap ngagai orang ti megai pengarap bukai baka ti dijamin dalam Perlembagaan menua.

## PAKEJ ATUR GAJI ENGGAU PENGAWA TI BARU KE RABAN PENGEREJA PENGAWA

---

Mai pulai pamanah nama raban pengereja pengawa perintah.

Ngelepaska raban pengereja pengawa ari bekaul ba politik

Pakej atur gaji baru ti begulaika batang penemu daya bekereja pepadu manah, timpuh bekereja enggau potensyen nyadi tuai awakka dikena nentuka pengelurus.

## BEPILIH BESA TI BERESI, LURUS SERETA TAMPAK

---

Ngamatka 8 iti peminta BERSIH nyadika pugu reformasi.

Bejalaika atur ngerejista pengundi maya nemiak udah chukup umur enggau chara automatik

Meresi regista pengundi dalam kandang 100 hari bekuasa.

## NGAGA REFORMASI KE INTITUT AKIM, BILIK LAWYER BANSA, SPRM ENGGAU PDRM

---

Ngelepaska semua institut pepadu beguna ke menua, baka institute akim, Bilik Lawyer Bansa, SPRM enggau PDRM ari kena genggam politik.

Mulaika kuasa maduka tuai-tuai dalam semua institut nya ngagai opis komisyen ti ngatika diri baka ti bisi dalam Perlembagaan menua.

Ngamatka padu mangku pengawa bala tuai dalam semua institut nya nengah atur berunding ari Komiti Parlimen ngena atur demokrasi beparlimen.

Ngangkatka pamanah nama semua institut nya dalam kandang enam bulan Pakatan Rakyat megai perintah enggau chara begunaka penemu ari komisyen ti ngatika diri ari ti numbuhka komisyen bebas ti baru.

## REFORMASI PARLIMEN

---

Meri pulai kuasa pengelepas isntitut Parlimen nyadika sada nyawa rakyat dikena nimbang kuasa eksekutif

Numbuhka Komiti Tepilih Parlimen ba pekara ti pemadu beguna baka pekara belanja, pengelikon, pelajar, penyaga pengelikon, PETRONAS enggau ti bukai dikena ngangkatka pemujur pengawa dalam parlimen.

Nyediaka penatai enggau pengelandik ti betul dikena bala kaban Parlimen bejalaika pengawa enggau chara ti bepenemu, chukup sereta engkeman.

## MEDIA TI NGATIKA DIRI ENGGAU MERI PULAI PENGARAP RABAN MEDIA

---

Ngapuska semua undang-undang ti nyekat pejalai media ti dikena ngaga media nyadi berat sepiak, nyengkaum Akta Percetakan dan Penerbitan, atur meri lisin media enggau ti bukai

Ngubah institute penabur berita perintah nyengkaum RTM enggau semua stesyen enggi Kumpulan Media Prima nyadi sebengkah gerempung ngatika diri dikena nyamin pemanah pejalai atur pengawa nyadung berita.

Bebasaka bala orang media dikena nusun pemanah pejalai industri media ngambi sida ulih bekereja ngatika diri lalu betanggungpengawa entara orang media ti bukai enggau enda dikeruga perintah

## NGAPUSKA AUKU LALU MERI JAMIN KE PENGAWA AKADEMIK TI BEBAS

---

Ngapuska AUKU dalam kandang 100 hari Pakatan Rakyat megai perintah

Pengawa milih sapit chancellor enggau rector ba palan pelajar tinggi perintah dikereja belalauka pengelandik ti ditentuka raban senate

Meri jamin pekara ngati ke diri ba pekara orang akademik ti pandai, pengereja pengawa, nemiak ti belajar ba semua palan pelajar tinggi ti serata menua

## NGAPUSKA SEMUA UNDANG-UNDANG TI NULAK RAKYAT

---

Mansik enggau silik semua undang-undang ti ulih dikena nulak rakyat

Ngapuska semua undang-undang dalam kandang setaun Pakatan Rakyat megai perintah

Ngeneritkaagi undang-undang Ngemanahka Demokrasi dikena ngenegapka agi kuasa rakyat

Perintah besai ngelepaska lalu minta ampun ari semua orang ti kena tanka ngena undang-undang ISA ari suba nyentuk ke diatu.



## POLISI NGEMUNASKA PENYALAH MAKAI SUAP MENUA (DEBARAN)

---

Pakatan Rakyat udah netapka polisi dikena ngemunaska penyalah makai suap. Penyalah makai suap udah nyadi riman ti mai empas ti jai ngagai semua ikas raban bansa.

Perintah Pakatan Rakyat deka bejalaika Polisi Ngemunaska Penyalah Makai Suap (DEBARAN) ti ngundan atur perang ti begulai ti manah agi dikena ngemunaska penyalah makai suap.

DEBARAN bisi dua iti pugu penemu, iya nya ngeregaska agi raban SPRM ngena atur reformasi tuai enggau atur pengawa awakka iya dipeda mulia ba mata mensia mayuh enggau ngubah undang-undang ke diatu dikena ngangkatka pemanah chara ngemunaska penyalah makai suap.

Enggau nya, nengah DEBARAN atur pengawa Pakatan Rakyat deka:

- Mungkar sereta ngubah kuasa enggau atur tuai dalam SPRM awakka meresi nama raban nya, nyengkaum meri kuasa bechara ngagai SPRM
- Ngubah amal enggauchara kereja SPRM awakka pengawa sida betumpu ba pansik enggau bedawaka kes makai suap ti besai dikena ngapuska runding orang ti ngumbai SPRM semina mansik lalu bedawaka kes ti mit-mit, tang kes makai suap bala tuai-tuai menua dipadamka baka nya aja.
- Neritka undang-undang makai suap enggau undang-undang bukai (nyengkaum Akta Ngelindung Orang Ti Meri Penerang) dikena ngemunaska penyalah makai suap, nyengkaum kes ti besai-besai.

# PENGANDAL RAKYAT

14 September 2023

Aku gaga ati sereta berterima kasih nyadi rakyat Malaysia.

Taun siti nyin kemari, aku pindah ngagai rumah baru di Damansara. Ku indai, dulu suba semina orang kaya aja ti ulih diau ba pelilih Damansara laban rumah iya besar sereta berega bejuta-juta ringgit. Alhamdulillah, udah perintah bejalaika program rumah ti mudah dibeli, raban nemiak baka aku tu mega ulih meli rumah ditu.

Aku bekereja ba sebuah kompeni engineering penengkebang di Petaling Jaya. Tuai kami agi biak, iya kala bekereja di menua Amerika Syarikat ba kompeni ti tebilang din. Kami ngasilka tengkebang chip komputer pintar ti dikena dalam perengka elektronik ke pengabis baru. Asil tengkebang dianjung ngagai menua China ti deka ngeluarka iya ba pasar antarabansa.

Pengidup kami sebilik lantang bendar. Bini aku nyadi akauntan ti bekereja enggau sebuah kompeni antarabansa. Iya bekereja ari rumah. Perengka penyambung jalur lebar Malaysia nya iya ti pemadu manah di dunya ti endur mayuh bala indai ulih bekereja ari rumah seraya ke ngabiska jam ti besai reti enggau bala anak.

Sechara paras rata, ruang bilik ti agi biak baka kami tu ulih berterima kasih ke peluang ekonomi ti bisi dalam menua tu. Gaji kami ngelui dikena nampung guna besehari-sehari lalu 30% ari gaji kami duai melaki bini disimpan ke guna dudi hari. Kami sebilik ulih makai angin ninting taun lalu kami mega numbuhka tabung ke dua iku anak kami duai ti agi mit ke guna seduai dudi hari ila.

Menua Malaysia dipebasaka orang di menua Asia Tenggara enggau mega di serata dunya. Kuala Lumpur nyadika indu negeri Asia Tenggara lalu digelar indu negeri ke 5 pemadu manah di dunya ninting taun. Iya nyadika sebuah negeri besai ti ulih ngenanka daya idup pupu rabansa bansa ti ulih idup begulai enggau pangan diri. Indu opis Bank Pusat Islam Dunia ti dibuka di Kuala Lumpur dalam taun 2019 ngasuh Kuala Lumpur tampak agi rita sereta jelai nama ti nyadika sebuah palan pekara wang pemadu manah di dunya.

Aku temegah ati ke menua Malaysia laban udah ngasuh menua bukai chemuru ati. Tiap buah negeri besai di menua tu disambungka enggau atur pejalai keritapi laju beteknologi gadung. Atur pengawa perintah enggau opis perintah diagihka ngagai serata menua lalu jarin atur perengka pengangkut mensia mayuh ti chukup manah ngemudahka agi pengawa rakyat.

Rakyat Malaysia mega seraban rakyat pemadu kaya di menua Asia Tenggara. Nadai sebuah ruang bilik bulih penatai pemisi ari baruh RM4,000 sebulan. Bala orang ti bempu tanah, ti dulu suba dikumbai orang raban pemungkal kampung puang diatu nyadi orang kebun jutawan enggau industri ti mit ti ngemansangka tanah sida empu enggau naka pemujur.

Menua-menua bukai mega alit ati ke pemaik Malaysia taja iya bisi bepuluh raban bansa ti enda sebaka. Pemaik ti datai ari penyerakup rakyat ari pupu raban bansa nya ditegapka ketegai penyikar bala soldadu menua ti chukup dikelala nyadika raban penyaga pengelikon pemadu manah dim Asia Tenggara.

Iya ke beguna agi nya, aku temegah laban Malaysia nya sebengkah menua ti udah mujur nunjukka pengaya menua deka ngasuh rakyat iya mega kaya enti diperintah enggau manah.

Wang Turu Warisan ti ditumbuhka sepuluh taun ke udah diatu udah bisi RM124 billion asil ari minyak enggau gas ti disimpan ke guna dudi hari. Rakyat ulih ngena peluang besekula enggau belajar enggau enda bebayar nyentuk ke ikas universiti enggau ngena perengka perubat ti enda bebayar mega. Malaysia mega nyadika sebengkah menua ti bisi numbuhka sekim duit simpan ke bala bini orang nyadika sebagai ari atur ngelindung pengelantang bansa.

Lebuh aku nemuai ngagai menua bukai bejalaika pengawa kompeni aku, aku gaga bendar ati lebuh menua aku dikenang orang. Sida alit ati ke pengulih menua kitai bejalaika atur demokrasi ti penuh. Institut akim menua kitai nyadika lalau ba ikas antarabansa. Nambah ke nya, pemujur kitai ba pengawa ngangkatka pemanah ekonomi rakyat enggau industri mit enggau jalan pemesai (IKS) udah nyadika teladan menua bukai.

Aku chukup betemegah sereta berterima kasih laban Malaysia benung beduduk ba arus ti betul sehari tu ketegai pemutus runding ti betul sepuluh taun ke udah ba pengawa bepilihbesai 2013. Nya mih keterubah iya aku nyadi siku pengundi ti optimis ke rebak dudi menua Malaysia, aku gaga ati laban aku siku ari raban nemiak ti ngubah pejalai menua tub a taun nya.

*Muhammad Adlan bin Azrul  
Damansara*





